

## **KHULASA PARAH NUMBER - 20**

- 1. Allah behtar hai ya wo jinhein log shareek karte hain? Is sawaal ki tashreeh aur iske chand dalaail (59-66)**
- 2. Baa'sa baadul maut ke talluq se kaafiron ke chand sawalaat aur uske jawabaat (67-75)**
- 3. Murde nahin sunte (80)**
- 4. Qayamat ki ek badi nishaani: daab-batul arz ka khurooj (82)**
- 5. Khair wa bhalai karne ka badla aur shar wa fasaad phailane ka anjaam (89-93)**

## **SURAH AL QASAS SURAH.28**

- 6. Hazrat musa alaih salaam ka tazkirah: firaun ki sarkashi, musa alaih salaam ki paidaish, bachpan ka daur aur uske waaqiyat, naujawani ke ayyaam aur qibti ka qatl, misr se hijrat, madyan me daakhila aur shaadi, musa alaih salaam kohe toor par, allah ke**

**talluq se musa alaih salaam aur firaun ka mukaalma  
aur chand mutalliqa baatein (3-48)**

**7. Hidayat ki zimmedaari allah ki hai (56)**

**8. Qayamat ke din ka tazkirah (61-67)**

**9. Din aur rat allah ki bohot badi nemat hai(71-73)**

**10. Qaarun ka tazkirah: bani israel ka ek fard aur  
firaun ki taraf se ek aamil ki zimmedaari, lekin  
zaalim tha, khazaanon ki bohtaat ,mutakabbir aur  
bakhil tha, wo khazaane ko apne ilm ka kamaal  
kehta tha, duniya parast log bhi uske jaisa banne ki  
tamanna karte the, takabbur ki saza ke taur par  
khazaanon aur mahel samet zameen me dhansa  
diya jana, duniya paraston ka pachtawa (76-82)**

**11. Allah ka ek wada jise usne sach kar dikhaya (85)**

## **SURAH AL ANKABUT SURAH. 29**

**12. Imtehaan aur aazmaish allah ki sunnat hai aur woh apne bandon ko aazmaata rehta hai (2-3)**

**13. Waalidain ka maqaam wa martaba aur khaliq ki maa'siyat ki surat me makhlooq ki baat na maanne ka hukm (8)**

**14. Qayamat ke din koi kisi ka bojh nahi uthaega (12-13)**

**15. Mukhtalif ambiya e karaam ki daawat aur unki qaumon ki nafarmaaniyon ka tazkirah: hazrat nooh , ibraheem aur shoaib alaih salaam (14-36)**

**16. Allah gunahon aur sarkashi ki wajah se kaise pakadta hai aur kis tareeqe se azaab naazil karta hai? (40)**

**17. Duniya ka sabse kamzor ghar kiska aur kyon? (41)**

**18. Ulama ki fazeelat wa bartari (42-44)**